

Team di Paga Tino lo ta den tur skina den carnaval

# FADA lo enfoca riba consumo di alcohol y droga bao di nos hobennan



ORANJESTAD (AAN): E team di Paga Tino ta consisti di diferente instancianan cu lo forma parti di Paga Tino engeneral. E meta principal ta pa laga e hubentud y e comunidad general pa Paga Tino den e temporada di carnaval riba diferente aspecto manera droga, malesa

nan contagioso, embarazo hubenil, uso halto di alcohol engeneral, mama nan cu ta laga nan yiu nan chikito na cas. Segun director di Fundacion Anti Droga (FADA) sra Jundell Sproke di parti di FADA nan lo bay Paga Tino riba e consumo di alcohol y droga cu ta hopi halto bao di nos hobennan, pero tambe e consumo di droga di moli cu ta hopi uza bao di nos hoben nan actual.

E droga di moli ta pone cu e muchanan ta bira mas activo pero nan no ta imagina nan mes kico ta e consecuencia cu ta bin despues na momento cu nan uza e droga di moli. Hopi di e hoben nan no sa kico ta loke e droga tin den

dje debi cu e ta un droga tra- ha den laboratorio nan ilicito. Tambe tin diferente fundacion cu ta forma parti hunto cu FADA den e proyecto aki manera telefon pa hubentud, swich foundations, Wit Gele Kruis, departamento di salubridad publico y tambe departamento di cultura.

E campaña di Paga Tino lo ta fuerte e aña aki y lo ta den tur skina, sinembargo e aña aki lo ta bay tin obra teatral cu lo bay tuma luga desde tres di februari unda cu ya caba tin mas cu 3 mil hoben a inscribi nan mes cu ta studiantenan di diferente scolnan. Segun director di FADA ainda tin cupo habri y e apelacion ta bay na tur hoben cu ainda

no a inscribi pa haci esaki pa nan tambe participa pa e obra di Paga Tino.

E obra aki ta wordo dirigi door di Jhon Fredy Montoya cu lo e trece diferente partinan den e obra pa tur mucha por participa. E conseho semper ta keda pa hobennan scucha di boso mayornan y

cuida boso curpa pa mañan boso no tin mester di lamenta di e actonan cu boso mes ta haci bao di influencia di alcohol of droga sin cu tin mester. E team di Paga Tino ta bay ta na tur skina, pero e responsabilidad ta keda den cada hoben nan mes un man.